

Times Today BD

সিনিয়র রিপোর্টার | জাতীয় | 11 May, 2025

ফ্যাসিস্ট হাসিনার সকল বিচার না হওয়া পর্যন্ত নির্বাচন নয় বলে মন্তব্য করেছেন শেখ হাসিনার আমলে দুইবার গুমের শিকার হওয়া বীর প্রতীকপ্রাপ্ত সাবেক সেনা কর্মকর্তা হাসিনুর রহমান।

সাবেক লেফটেন্যান্ট কর্নেল হাসিনুর রহমান রোববার সামাজিক যোগাযোগমাধ্যম ফেসবুক পোস্টে এ মন্তব্য করেন।

ছাত্র-জনতার তীব্র আন্দোলনের প্রেক্ষিতে শনিবার বিচার না হওয়া পর্যন্ত আওয়ামী লীগের সকল কার্যক্রম নিষিদ্ধ ঘোষণা করেছে অন্তর্বর্তী সরকার। তবে একে পূর্ণ বিজয় মানছেন না হাসিনুর রাহমান। তার মতে, এটি অসমাপ্ত বিপ্লব। কেননা, বিচার বিপ্লবের অবিচ্ছিন্ন অংশ। তাই যতদিন পর্যন্ত ফ্যাসিস্ট হাসিনার বিচার না হচ্ছে ততদিন নির্বাচনের পক্ষে নন তিনি।

‘ক্লিন ইমেজ বলে কিছু নেই, সুস্থ মানুষ আ.লীগ করতে পারে না’

সাবেক এই সেনা কর্মকর্তা তার ফেসবুক পোস্টে লিখেছেন, ‘অসমাপ্ত বিপ্লব। এবার নতুন করে আন্দোলন। ফ্যাসিস্ট হাসিনার সকল বিচার না হওয়া পর্যন্ত নির্বাচন নয়। বিচার বিপ্লবের অবিচ্ছিন্ন অংশ।’

পোস্টের কमेंটে তিনি আরও লিখেছেন, রাজনৈতিক দলের উপর আস্থা নেই।

এর আগে শনিবার ফেসবুকে দেওয়া এক পোস্টে হাসিনুর লিখেছিলেন, ‘ক্লিন ইমেজ বলে কিছু নেই, সুস্থ মানুষ আওয়ামী লীগ করতে পারে না। এ ফ্যাসিস্টদের এদেশে স্থান হবে না। আওয়ামী লীগ নিষিদ্ধ জরুরী, এরপর কঠিন বিচার জনগণের দাবি।’

ফ্যাসিস্ট হাসিনা শেখ হাসিনা রাজনৈতিক দল

© 2025 TimesToday. All Rights Reserved.

Generated on 28 June, 2025 15:03

URL: <https://www.timestodaybd.com/national/2282775807>